

經律異相卷第三十五

傍五

梁沙門僧旻寶唱等集

得道長者部上

寶稱出家見佛悟道一

守籠那足下生毛苦行得果二

最勝難降染化成道三

一

福增百歲出家見其本骸心曉見道四  
須達多崎嶇見佛時獲悟道五

須達七貧後得食併奉佛僧倉庫自  
滿六

最勝魔燒不移七

申日爲佛作毒飯火坑自皆變滅八

辯意請佛僧有二乞兒一死一爲王九

曇摩留支先身爲大魚十

慳長者入海婦施佛絹衆商皆死唯

已獨存十一

毗羅陀請佛僧食而庫藏自滿十二

婆世蹟染欲危身爲目連所救十三

長者新生一子即識本緣求母請佛  
甘味自下十四

阿那邠祁七子爲財受戒聞法離垢

十五

寶稱長者出家見佛悟道一

波羅柰城有長者名阿具利子字曰地陀

梁言

寶稱出經云夜輸曜時年二十四有瑠璃發生而著足

父母貴異字曰地陀別作屋宅寒暑易處妓

女娛樂不去左右寶稱中夜歛見諸妓女皆似  
如死狀膿血流溢支節斷壞屋宅衆具皆似

塚墓戶輒自開天地大冥唯覩小光趣東城

門復自開明照鹿園尋光見佛瞻覩相好

怖止迷解舉聲歎曰父在愛獄著名色械今

趣神尊寧得脫不佛言童子善來覺矣斯處

無憂衆行畢竟前禮佛足佛爲說法逮無垢

法眼即起白佛願爲弟子佛言善來比丘便

所在長者遣馬四出推索父乘子車東行尋

求道過一水水名波羅奈度水見子寶屐脫置岸邊即尋足跡徑趣鹿園佛以方便令其父子兩不相見長者問佛言我子寶稱足跡趣此瞿曇見不佛告長者若子在斯何憂不見佛爲說法入須陀洹寶稱心解便得羅漢父子相見恩愛微薄長者白佛今日心悅情

傍五

二

有二喜一遇佛解喜二離愛使喜於時寶稱親友四人一名富惣二名維摩羅三名橋餗鉢四名須陀聞寶稱已作沙門驚喜毛堅曰吾共詣佛并省寶稱即便俱行見佛影則乘本願行作禮白佛飢渴道化虛心日久不以鄙陋願爲弟子佛言善來比丘皆成沙門爲說心本淨聞義心了便得羅漢如有聞者發足尋覓皆得道果

出中本起經上又出曜經十九卷

守籠那足下生毛苦行得果二

瞻婆城有大長者子字守籠那其之父母唯有此子心甚念之生來習樂未曾躡地足下生毛時摩竭國王聞瞻婆城中大長者子遲

欲見之即勑城王使諸長者各將兒來時瞻婆城主奉勅詣摩竭主在一面住王聽以衣敷地詣王所王見足毛心甚歡喜即語言可往見佛禮拜問訊當與汝後世利益時瞻婆城主及諸長者共詣耆闍崛山時有長老娑竭陀爲佛給使在槃石上坐時瞻婆城王詣

長老娑竭陀所言我等欲見如來時娑竭陀即沒石上涌出佛前白言瞻婆長者欲見世尊佛言汝往屋陰中敷座我當往坐時娑竭陀即敷座已還到佛所白世尊言敷座已竟坐尊坐已告娑竭陀言語長者來時娑竭陀沒於佛前涌出石上時諸長者歎未曾有世

傍五

三

尊弟子神足猶余況復如來娑竭陀言長者宜知是時瞻婆城主來詣佛所世尊余時即爲諸長者子及瞻婆城主說法勸化即於座上得法眼淨白世尊言大德從今已去歸依三寶爲優婆塞時守籠那後遂出家往溫水河邊尸陀林中勤行精進經行之處血流汚

地猶如血塗時守籠那在靜處思惟佛弟子中勤行精進無勝我者我今何故不得無漏我當捨戒還家自恣五欲布施作福佛知其心到守籠那所我今問汝隨意答我汝在家時彈琴琴絃若緩若急音聲好不若不緩不急乃得好聲佛言比丘亦如是不緩不急心急乃會道依教修行逮成羅漢焉

出四分律三  
分第二卷

乃會道依教修行逮成羅漢焉

長者名尸利苾提<sub>梁言</sub><sup>福增</sup>其年百歲求欲出家  
家人大小無從用者尸利苾提往趣迦蘭陀  
竹林從舍利弗求欲出家老不得出家徧問  
五百羅漢皆同舍利弗出竹園門舉聲大哭  
優波離是剃髮賤人泥提下穢除糞之人殃  
掘摩羅殺無量人及陀塞鞞大賊惡人如是

等人尚得出家我有何罪而獨不得佛即涌  
現問福增言汝何故哭聞佛梵音心喜作禮  
白佛言諸罪惡人皆得出家我何罪不聽我  
出家大小不復用我於佛法中復不得出家  
設我還家必不見前我當何趣今日定當於  
此捨命佛恩喻言汝莫憂惱聽汝出家告大

目連聽與出家即得出家受具足戒晝夜精  
勤修集讀誦廣通經藏以年老故不能隨時  
恭敬迎逆禮問上座諸少比丘皆為上座常  
苦言激切又作是念我今寧死往大河岸邊  
脫去袈裟置樹枝上泣而誓言我不捨佛法  
衆僧唯欲捨命我此身上布施持戒精進誦

傍五

五

經設有報者願我捨身生富樂家眷屬調從  
於我善法不作留難常遇三寶遭值善師求  
悟涅槃誓畢投泗渡中未至水頃目連接置  
岸上令捉衣角上衝虛空猶如猛鷹銜一小  
鳥屈伸臂頃至大海邊海邊有新死人女相  
具足見有一虫從口出還從鼻入復從眼出

更從耳入苾提問此何女人答曰時到當說  
前行復見一女自負銅鑊然火炊之既沸脫  
衣自入鑊中髮爪先脫肉熟離骨沸吹骨出  
在外風吹尋還成人自取其肉而噉食之次  
復前行見一大樹多蟲圍唼其身乃至枝葉  
無有空處如針頭許大叫震動如地獄聲復

次見一男子周而獸頭諸惡鬼神手執弓弩  
三放毒箭鏃皆火然競共射之身皆熾然又  
見一大山下安刀劍見有一人從上投下刀  
戟劍稍壞刺其身即自收拔還堅本處往還  
不息前見骨山高七百由旬目連於山為說  
舍衛城中大薩薄婦夫甚愛念欲入大海戀

婦不捨即將入海婦擎鏡照面自覩端正便起橋慢深生愛著時遇大龜踴船沒海薩薄及婦五百賈客一切皆死海不受屍夜叉羅刹出置岸上隨所愛念死還生爲蟲捨此蟲身墮大地獄苾提白和尚自食肉者是何人目連告曰舍衛國優婆夷婢優婆夷請一比

丘夏九十日奉給供養使婢送食婢至屏處選好自食餘與比丘大家覺問婢答我若先食使我出出自食身肉今先受華報後墮地獄大樹諸蟲唼食發大惡聲是瀕利吒營事比丘用僧祇物華果飲食送與白衣受此華報後墮地獄唼樹諸蠱即是得物之人舉聲

大哭衆箭射身者此人前身爲大獵師多害禽獸以是罪故受斯苦毒於此命終墮大地獄大山上自投刀劍者是王舍城大健闢將以猛勇故身處前鋒或以刀劍矛稍傷剋物命故受此報已又墮地獄其骨山者汝故身也有一國王名曇摩苾提布施持戒慈悲不

傍五

六

傷物命正法治國滿二十年共人博戲時有一人殺人諸臣白王荅言隨國法治即案律殺王戲已畢問罪人何在臣曰已殺王聞泣曰七珍皆住我獨入地獄即捨王位入山自守命終作摩竭魚身長七百由旬王臣恃勢枉刻百姓命終亦作摩竭大魚身虫癱瘞揩頗梨山碎殺虫血流百里皆赤應墮大地獄時魚一眼百歲乃覺覺大飢渴即便張口海水流入如注大河有五百賈客入海採寶值之船趣魚口賈人稱南無佛魚聞閉口賈客得活魚飢命終生王舍城夜叉出身置此海邊時王者汝身是殺人爲魚苾提解法無常

厭世盡結得羅漢果

出賢愚經第十七卷

須達多崎嶇見佛時獲悟道五

舍衛國有大長者名須達多

賢愚經始云大臣四分部律並呼居士常給施孤獨乞兒人以爲号先有田業

在王舍城年年復行

人涅槃賢愚二經云爲兒婢婦詣王舍城

止長者護弥家

中本起經云迦蘭陀

那夜起掃

大涅槃經云珊瑚那夜起掃

治宅舍辦諸餚饍須達問之答曰迦毗羅城有釋種子名悉達多姓瞿曇氏其生未久相師占之定當作轉輪王心不願樂捨之出家無師自覺得阿耨多羅三藐三菩提於諸衆生其心平等故号爲佛明受我請又問今在何處答曰在迦蘭陀竹林精舍十誦律云寒林須達

傍五

多一心念佛所有功德忽然大明尋光而出至戶呵城門佛神力故自然而開四分律云神即開門出門路有天祠須達致敬尋還黑闇心生惶怖復欲還反城門有大天神告須達言仁者見佛當獲善利盡聞浮提所得功德不如發心一步詣如來所須達問曰汝是誰耶答曰

我是信相婆羅門子四分律云是私詎神我是汝往昔善知識我因往昔見舍利弗大目犍連禮拜歡喜捨身得作北方天王毗沙門子專知守護此城大同十誦律況見如來禮拜供養須達見佛佛如應說法得須陀洹道出大涅槃第二十七卷又出雜阿含

第二十卷中本起四部律皆大同小異

須達七貧後得食併奉佛僧倉庫自滿六長者須達七貧後貧最劇於糞壤中得一村斗其實栴檀出市賣之得米四斗語婦曰且炊一斗吾當索菜時佛念曰當度須達令福更生炊米方熟舍利弗往婦見歡喜一斗米飯悉投著鉢中更炊一斗目連復往亦歡喜與之復炊一斗迦葉復往亦復與之適有一斗尋復炊熟如來自往婦自念言間日之糧莫有降者今有是米如來躬顧得無罪畢福生者哉一斗米飯盡施如來佛口呪願罪滅福生從今日始須達尋歸婦恐其恚便問曰如今佛來及舍利弗目連迦葉盡來求食當與不耶答曰當與福田難遭若來求者是爲值遇婦言向四斗米吾盡用施矣夫大歡喜餘有飯汁公姥共飲之須臾彷彿諸室珍寶倉庫穀帛自然寶滿如往時富也須達踊躍知佛愍念更請佛及僧供養盡空佛爲說法皆得道迹出雜譬下

最勝魔燒不移七

最勝長者聞說妙法即於座上諸塵垢盡得  
法眼淨受三自歸爲優婆塞盡形壽不殺佛  
者家長者念曰如來向出遠其何速爲佛告  
曰吾謂長者高才博智分別譏趣諱念長者

傍五

愚惑無智吾向所說四諦者實非真諦斯是  
顛倒外道所習長者即自覺知即報之曰止  
止勿語吾得慧眼住牢固地正使汝化作億  
千方身吾不退轉何以螢火之光與日競明  
田家灰堆欲比須弥鷄鶩烏鵲金翅並飛波  
旬懺愧復身而去

出最勝長者受呪經

申日爲佛作毒飯火坑自皆變滅八

是時王舍國有一四姓長者字爲申日財產  
甚富金銀珍寶無有央數申日事餘道人唯  
不事佛諸異道人皆共嫉妒申日共議言佛  
今爲王及傍臣長者吏民所敬而我等獨不  
爲所重佛常自說言知去來現在之事知他

所念今寧可試爲審尔不申日言當何試之  
異道人言請佛持毒藥置飯中掘門裏深五  
丈以火置中薄覆其上令佛從上來佛若知  
當不受請受請則不知申日言諾即行請佛  
佛言大善異道人言已無所知但當穿地申  
日有子字栴羅法年十六通達宿命善學佛  
道能知去來現在之事啓其父言佛已知之  
莫用惡人言自投湯火申日不信掘坑然火  
飯置毒藥告諸比丘隨我後行佛適向道便  
放光影令申日舍中悉作金色時栴羅法即  
語父言今佛已起向道十方皆明如日佛到  
城門足蹈門限舉大城中即爲大動病者即

傍五

九

愈箜篌樂器不鼓自鳴佛到申日門五丈火  
坑化作浴池中生蓮花一花千葉諸弟子所  
蹈蓮華華生百華皆蹈華而行申日見火以  
作水池中生蓮華便大懼怖頭面著地以誠  
自說今爲佛作飯皆以毒藥置中願乞更炊  
佛言不須更炊持毒藥飯來食勑諸比丘且

勿食須我教乃食佛即呪曰天下凡有三毒  
一者貪姪二者瞋恚三者愚癡佛無是三毒  
爲不行至誠有經法者毒亦不行飯食中毒  
皆自消去佛言皆飯申日頭面禮佛足言我  
大無狀用惡人之言願從世尊求哀悔過佛  
爲說經得須陀洹道

出申本經

辯意請佛僧有二乞兒一死一爲王九

舍衛國有一長者子名曰辯意聞佛說五十

事要還得法忍五百長者子得法眼淨辯意  
言唯願世尊及大衆明日中自屈於我舍食  
佛與大衆往其家食未呪願有一乞兒歷座  
行乞無敢與者遍無所得瞋恚而出便生惡

念此諸沙門放恣愚惑有何道哉貧者從乞  
無心見與吾得爲王以鐵輞車轢斷其頭言  
已便去佛呪願竟復一乞兒來從衆乞食各  
各與之大得飯食歡喜而去即生念言此諸  
沙門有慈悲心我得爲王供養佛僧乃至七  
日不報今者飢渴之恩言已便去二乞兒展

轉求勾到他國中卧於道邊深草之中時彼  
國主忽然崩亡無有繼嗣相師判言書記當  
有賤人爲王諸臣百官千乘方騎按行國界  
望見草上有雲霞蓋相師曰中有神人即得  
乞兒諸臣拜謁乞兒驚愕自云下賤非是王  
種皆言應相沐浴香湯著王之服光相莊嚴

導從入國惡念乞兒在深草內卧寐不覺車  
轢斷其頭

出辯意經

曇摩留支長者先身爲大魚十

昔有長者字曇摩留支問訊佛言曇摩留支  
別來大父乃得相見有人問佛答曰昔阿僧  
祇劫時世有佛名曰定光我時爲梵志字曰

傍五

十

超述時定光佛方欲入城我即中路相逢解  
髮布泥上令佛蹈過佛即記曰汝勇猛乃余  
却後阿僧祇劫當得作佛汝于時起恚心曰  
此人與畜生無異乃蹈他頭髮上過去從是  
以來阿僧祇劫常墮畜生中復在大海中爲  
魔竭魚身長七千由延時有五百賈客乘船

入海採寶值此大魚翕船垂欲入口時五百人各稱所事時賈客主語衆人言今世有佛名釋迦文濟人危厄無復是過我等稱名冀蒙得脫即便齊聲稱喚魚聞佛名本識由存即思惟曰釋迦文佛已出世間我身云何故在魚中即而歸依時魚還沒水五百賈客安隱即歸時魚即盪身出沙灘上不飲不食經二七日命終生長者家作子字曇摩留支今來與吾相見所以稱父遠耳留支聞此本末即向海邊求其故屍見大魚骨皮肉已盡行脇骨上思惟言此是我故屍即以華散故屍上尋惟旣往忽然道成出分別功德經第四卷

慳長者入海婦施佛絍衆商告死唯己獨存十一  
昔者有人大富而慳其婦好法欲施不敢壻臨入海先以鐵蒺藜三重繞舍婦礙之不能得出一心念佛諸鐵關閨變成鵠毛取絍一厄寄人施佛佛受呪願夫與五百伴共在海

中爲鬼所噉唯留其夫諸鬼相語是人婦事佛不可近也伴侶死盡獨得寶還問婦何事婦具告之二人歡喜即請佛僧設會得道出喻經第一卷

毗羅陀請佛僧食而庫藏自滿十二

昔佛在世有大長者名修羅陀財富無數信向道德自誓常以臘月八日請佛及僧終身子孫奉行不輟長者亡時囑兒勿廢兒名毗羅陀後日漸貧至時無以供辦愁感不樂佛遣目連往問云汝父供月欲至當設何計答言唯願世尊勿見忽棄八日臨期將妻至外家質百兩金還辦供具佛與千二百五十衆

僧往舍而坐行水下食清淨竟而還其日夜半諸故藏中寶物自滿夫婦見之且喜且懼恐官顧問即往白佛佛言安意使用勿有疑難汝之履信不違父教聞施慧道七財滿足

出法句經第三卷

婆世躡染欲危身爲目連所救十三

佛在羅閱祇國有豪長者名尸利蹠大富盈溢婦生一男形容嚴妙請師占候歎子福德問言從懷此兒有何瑞應長者曰其母訥口鈍辭既懷此子談語巧妙字婆世蹠及年長大遊行觀看見那羅伎家有一女子心便染著欲得娉娶還啓父母願為求索父母告言

高卑非疋如何為婚子重啓言莫問門戶但論其身幸為我求若不如志便自殞命父母從之共作婚姻兒惑其色不耻鄙事即詣彼家學習戲藝皆已成就是時國王集諸那羅多戲事時長者子次應現伎上索而走王脫不見復勑更上氣力漸羸中道欲墮心中惶懼無所歸依目連陵虛告之曰如卿今日寧全身命出家學道為寧墮地娶彼女耶答言願自存濟不用女也目連即時化作平地得

全身首喜不自勝隨逐目連往詣世尊禮拜供養佛於是時廣說妙論心意開解便得初果因求出家世尊聽之鬚髮自落法衣在身

專精禪思成阿羅漢佛言過去世波羅奈國有大長者初生一子端正無比有人從海中來賚一鳥卵用奉長者長者納受經少時間其卵便剖出一鳥雛毛羽光潤長者授之與子使弄子騎鳥脊飛遊觀看聞他國王作那羅戲乘鳥至彼鳥住樹上偶見王女情便染愛遺信贍情女便與交為王所知推捕縛來而當斬戮長者子言諸君何為勞力殺我聽我上樹自投而死諸人聽許便即上樹乘騎其鳥翔虛而去得延壽命時長者子今婆世蹠是王女者今伎家女是余時鳥者則目連是過去世時惑色致困由鳥得濟今垂當死由於目連故得安隱

出賢愚經第十三卷

長者新生一子即識本緣求請佛甘味自下十四

舍衛國中有大長者生一男兒面目端正生而能言問其父母世尊及舍利弗阿難等皆在世不父母答在見其能言乃謂非人即往

問佛佛言此兒有相父母歡喜兒又啓曰唯  
垂請佛及僧答曰卒無供養兒又啓曰但掃  
灑堂舍莊嚴牀席施三高座百味飲食自然  
滿堂又先身之母今猶存在居波羅柰國願  
爲仰報父母遣使馳象迎接以三高座一擬  
如來一爲今身母一爲前世所生母佛與衆  
僧旣入其舍甘味飯食自然而下種種豐饒  
佛爲說法合家大小盡得初果出昇隱經  
第一卷

千金銀珍寶於彼犍陀賴國人七歲之中隨  
其所欲皆悉費用無所減少及此伊羅鉢多  
羅大寶藏彼士千兩金百倍千倍百千倍無  
數倍皆悉不及汝七子所獲功德世尊與阿  
那邠祁說微妙法即從坐起白世尊言願受  
我請及比丘僧欲設甘露飲食爲七子故世  
尊默然受世尊知時與比丘僧前後圍繞入  
舍衛城詣阿那邠祁家皆即就坐長者及子  
禮敬世尊世尊說法使還等見告言如是長  
者七子甘饌飲食飯佛比丘食竟除鉢佛與七  
子說法各於座上諸塵垢盡無有瑕穢得法  
眼生彼已見法無有狐疑亦無猶豫出門那

數倍皆悉不及汝七子所獲功德世尊與阿  
那邠祁說微妙法即從坐起白世尊言願受  
我請及比丘僧欲設甘露飲食爲七子故世  
尊默然受世尊知時與比丘僧前後圍繞入  
舍衛城詣阿那邠祁家皆即就坐長者及子  
禮敬世尊世尊說法使還等見告言如是長  
者士子甘饌飲食飯佛比丘食竟除鉢佛與七  
子說法各於座上諸塵垢盡無有瑕穢得法  
眼生彼已見法無有狐疑亦無猶豫出阿那  
邠祁化

經七子

經律異相卷第三十五

傳

之便欲歸三寶受持五戒父母各賜千兩金  
俱至世尊所具以白佛云何世尊彼七子頗  
有福善諸功德不佛言善哉長者饒益衆生  
安隱天人彼七子者緣是諸善功德具足所  
獲果報我今當說北方有國城名石室國土  
豐熟人民熾盛彼有伊羅波多羅歲無數百

欲上去擊斬戮六音鑿音昨號五巧更元弓  
弩下乃莫提上繩繩居宣潤渡音伏旋流也下  
坎之火音婆子摩五繩音癢痒上蘇到箭鏃  
箭下粗木反刀戟反天劍稍捨之音屏處上  
瘞也糞壤下公姥下莫浦揩口皆婢婦上  
母也珊瑚檀干反劇奇遠反鷗鵠二同助朱灰

堆下丁金翅下桂無鞅下於夏反施羅三音空  
求勾下音益乞賈反及沙渾下音俱本中韻  
丁劣反所詣也青趙一訥口反參目鉢送頭及匹  
疋止用同殯命上羽級反惶惶下其香反便剖  
口反脊音跡

### 經律異相卷第三十六

傍六

雜行長者部下

流水救十千魚一

樹提伽身生人中受天果報二

迦羅越手能兩寶三

梁沙門僧旻寶唱等集

迦羅越以飽食施鳥令出腹中珠四  
忽起經暫貧客作設會即獲花報五  
無耳目舌先世因緣六  
音悅今身受先世四種報十  
鳩留飢遇樹神因得信解八  
日難財富巨億慳惜不施後世貧盲九  
長者發善薩心將諸貧人取得珍寶十  
長者後貧舉財施耕遇千鼎用之不  
盡十一  
香身長者婦爲國王所棄十二  
長者婦懷妊口氣香十三  
慳財生號哭地獄十四

以擣衣石施人起塔生天十五

須達三子事窮方信十六

須檀子貪財殺弟十七

梨耆彌第七兒婦生三十郊外出一

男十八

癡子賣香逢燒之爲炭以求速售十九